

輕民力築長城之固延袤萬里師古曰袤長也音茂轉輸之行起

於負海疆境既完中國內竭以喪社稷是為無策今天

下遭陽九之厄比年饑饉西北邊尤甚發三十萬眾具

三百日糧東援海代南取江淮然後乃備師古曰援引也音爰計

其道里一年尚未集合兵先至者聚居暴露師老械弊

執不可用此一難也邊既空虛不能奉軍糧內調郡國

不相及屬此二難也師古曰調發也音徒計一人三百

日食用糒十八斛非牛力不能勝牛又當自齋食加二

十斛重矣胡地沙鹵多乏水草以往事揆之軍出未滿

百日牛必物故且盡師古曰物故謂死也餘糧尚多人不能負此